

Miljö - Einer, dä dich leev hät

Musik und Text: Mike Kremer
Verlag: Edition Miljö, Edition Rhingtön

Mer verbingk, weed jetrennt,
fingk sich widder, weed sich fremp,
löß sich immer widder loss
Mer schwaade jroße Saache klein,
leev jemeint un doch jemein,
han et vürher nie jewoss

E halv Laache em Jeseech,
wie 'ne Indianer kriesch
su es jeder ungerwääs un söök si Jlöck
E halv Laache em Jeseech,
Fäg et all unger dä Desch
Kumm, mer jonn widder e janz klei Stöck zoröck

**Doch et jitt einer, dä dich unendlich leev hät,
un wenn 100 Minsche kumme, 99 widder jonn, dann bliev ich stonn
Dä Eine, dä dich unendlich leev hät**

Mer sin frei, fleeje huh,
sinn d'r Welt unge zo,
immer wigger bes zum Rand
Doch, wat flög, kütt eraff
weiche Landung nit jeschaff
Flöjel aan d'r Sunn verbrannt

E halv Laache em Jeseech,
wie 'ne Indianer kriesch
su es jeder ungerwääs un söök si Jlöck
E halv Laache em Jeseech,
Fäg et all unger dä Desch
Manchmol drage mir 'ne Schoh, och wenn hä dröck

*Probeeren et immer widder,
immer e Stöckche wigger, sulang uns nix häld
doch dann duurt et nit mih lang,
un mir stonn ald widder janz am Aanfang*